

عارف وطلاتی

تبلیغی مجموعہ سی

حصہ ۸

تاریخ
۱۵ ایلول ۱۹۲۶



مندرجات

تعلیمات نامہ

تعمیل

تعمیل

انجمن قرارری

احصائیات مدیرکی طرفندن ہر آی نشر ایدیلن مجموعہ تک اندو سکزنجی صایسی آغستوس آبدہ کی
تعلیمات نامہ لہ تعیین و تعمیلری و ہر آی طرفندہ اتحاد اولونان انجمن قرارلری احتوا ایتکدہ در.

Maarif Vekâleti
Tebliğler Mecmuası

Tarih
15 Eylül 1926

Sayı
8

استانبول — ملی مطبعہ

۱۹۲۶

İhsâiyat Müdürlüğü Tarefinden
Her Ay Neşr Edilir.

İstanbul — Millî Matbaa

تعلیمات عامہ

تعلیمات عامہ

تعلیمات عامہ

تعلیمات عامہ

تعلیمات عامہ

تعلیمات عامہ

تعلیمات عامہ

تعلیمات عامہ

ستازيەر مەسلىم مەاونلرىنىڭ خەدەمتلىرى ھەققىدە تەسۋىياتنامە

۱ - ستاز مەكتىپلىرى

۱ - اورتا تدرىسات مەلىملىرى قانۇنىنىڭ ۶ نەچى ماددىسى مۇجىبنەجە ستازيەر اولارق
استخدام ايدىلەجك مەلىم مەاونلرى ستازلرىنى يالگىز آشاغىدە يازىلى شرايطى ھازىر اولان
مەكتىپلەردە ياپارلر :

آ - مەكتىپ لىلى وتام دورەلى بىر لىسە وياخود بىر مەلىم مەكتىپى اولمالىدر ؛
ب - مەكتىپك بىناسى ، تأسىسات وتشكىلاتى ، وسائط درسىەسى اىلى وتام اولمالىدر ؛
ج - مەكتىپك ستازيەرك استفادە ايدە بىلەجكى مننظم وكافى بىر كىتەبخانەسى بولۇنمالىدر ؛
[كىتەبخانەسى كافى اولمايان ويا ھىچ بولۇنمايان مەكتىپلەردە ، كالت كىتاب تەخسىصاتى وىرر]
۲ - ھەر درس سەنەسى بىدائىتدە ، ستازيەر مەلىم مەاونلرىنىڭ اوسنە ظرفندە استخدام
ايدىلەجكلىرى مەكتىپلر اورتا تدرىسات مەدىرىت عومومىەسى اىلە تەلىم وتربىە دائىرەسى ظرفندىن
مەشتركا تەىىن اولونور .

۳ - ستازيەرلرك مەاونلكە تەىىن ايدىلەجكلىرى درسك اصل مەلىمى لااقل اوچ سەنە
دەبىرى عىن درسى موفقىتەلە تدرىس اىلەككە بولۇنمىش اولمالىدر .

۲ - ستازيەرلرك وظىفە ومەكلىفىتلىرى

۴ - ستازيەرلر آشاغىدەكى اىشلەرلە اشتغالە مەجبوردرلر :

آ - مەكتىپك تربىوى اىشلىرى ،

ب - تدرىس وظىفەلىرى ،

ج - مەسلىكى ھازىرلە ھاۋد مەساعى .

۳ - تربىوى مەكلىفىتلىر

۵ - ستازيەرلر مەكتىپك ادارى وتربىوى اىشلەرنە مەدىر ومەدىر مەاونلرىنىڭ مەكلىف .

اولدقلری بوتون وظیفه لرك ایفا سنده اونلره معاونت ایتمه و بو خصوصده کندیلرته تودیع اولونان وظیفه لری یا پیغه مجبوردرلر . آنجق مکتب قادروسنده کی معین وظیفه لردن هیچ بریسی منحصرأ ستازیهره تودیع و تحمیل اولوناماز .

۶ — ستازیهرلر معلملر مجلسی اجتماعلرینه منتظماً اشتراك ایدرلر . انضباط مجلسی اجتماعلرینه ده منابو ايله اشتراك ایدرلر . آنجق انضباط مجلسنده کی رأیلری استشاریدر .

۷ — ستازیهر معلم معاونلری ستاز سنه سنك صوك آیلرنده برر هفته مدیرك و مدیر معاونلکی وظیفه لرله مشغول اولمق صورتیه مکتب اداره سنك بوتون تفرعاتنه عائد ایشلره انسیت پیدا ایدرلر ، ستازیهرلر بو ایشلری مدیرك نظارتی آلتنده یاپارلر .

۴ — تدریسی مکلفیتلر

۸ — ستازیهر معلم معاونلری تدریس ایشلرنده شو وظیفه لر ايله مکلفدر :

آ — منسوب اولدقلری درس ویا درس زممره سی تدریساتی منتظماً تعقیب ایدرلر ؛

ب — لابوراتوارده حاضر بولنه رق معلمه یاردم ایدرلر ؛

ج — مطالعه زمانلرنده و لابوراتوار ساعتلرنده طلبه نك مساعیسنه رهبرلك ایدرلر .

۵ — مسلکه حاضرلق مساعیسی

۹ — درس سنه سی بدایتنده مکتبک مدیری علاقه دار درس معلمی ايله استشاره

ایدمرك ستازیهره منسوب اولدیغی علمك اصول و تاریخی حقنده اوقویاجغی اثرلری بیلدیرر

ستازیهر بو اثرلر آراسندن لا اقل اوج دانه سنی سنه ظرفنده لایقیله تتبع ایدر . سنه نهایتنده

امتحانده ستازیهرك یازاجغی مطالعه نامه نك قیمتی اولو بو اثرلردن ثانیاً دیگر منبعلردن

ایتدیگی استفاده نك درجه سی وئالاً ده کندیسنك شخصی کوروش و آکلایشی تعیین ایلر

بو اثرلرک اسملری سنه نهایتنده ستازیهرك یازاجغی مطالعه نامه یه ربط اولنور .

۱۰ — ستازیهر معملرک مسلکه حاضرلق فعالیتلری شومساعی یی تضمن ایدر .

I — ستازیهر معلملر ، مسلکه منسوب اولدقلری درس معلملرینك تنسیب ایتدکلری

زمانلرده مناسب کوردکلری بحثلری معلمی حضورنده طلبه یه تدریس ایتمه مکلفدرلر .

۶ - ستاژیه رك رسماً ویره جکی درس لر

II - معلم معاونلری ستاژ مدتی ظرفنده الك آزاوچ دفعه رسماً درس ویرمکه مکلفدرلر .
بو درسك موضوعی مدیر ایله برلکده درس معلمی ویا درسك منسوب اولدینی زمیره
معلملری طرفندن تعیین ایدیلیر .

درس اثناسنده مدیر ایله درس ویا زمیره معلملری و دیگر ستاژیه لر درسخانه ده
حاضر بولورلر . درسك ختامندن سوکره مدیرك ریاستی آلتنده اجتماع ایدیه رك ویریلن
درس تنقید اولنور . تنقیده نظر دفته آله جق نقطه شونلردر :

(آ) - ستاژیه درس ویررکن مکتبده موجود و قابل استفاده وسائطدن تامایله
ولایقیله استفاده ایتشمیدر ؟

(ب) - درسی طلبه نك سویسته کوره اداره ایده بیلشمیدر ؟

(ج) - درس اثناسنده طلبه نك دقتلرینی دائمی صورتده موضوعه حاضر ایتدیره .
بیلشمیدر ؟

(د) - تدریس ایتدیکی موضوعی طلبه نك مکتب معلوماتندن مناسبتدار اولانلره
ربط ایده بیلشمیدر ؟

(ه) - ستاژیه رطور ، ادا ، سسی ، وتلفظی اعتباریه بر معلمك حائر اولماسی ایجاب
ایدن اوصافی درسك دوامی مدتیجه محافظه اید بیلشمیدر ؟

درس بونقطه نظرلردن مناقشه ایدیه رك اینی جهتلیله اصلاح واکاله محتاج طرفلری
کوستریلور بومناقشه لرك ضبط خلاصه سی هر ستاژیه ر ایچین آیری بردفتره قید و مدیر ایله
حاضر بولونان علاقه دار معلملر طرفندن امضا اولونور . معلم مکتبلرنده ستاژیه لرلرک رسمی
درس لرینه و مناقشه لره مکتبک تربیه و اصول تدریس معلملری ده اشتراك ایدر ؛ درسه عائد
مناقشه لرك ضبطلری ، حاضر بولونان ستاژیه لر طرفندن طوتولور . مکتبک مدیری
هر ستاژیه رك سنه ظرفنده ویره جکی رسمی درس لره عائد ضبطلری احتوا ایدن دفتره درس
ویا زمیره معلملرینک راپورلرینی ربط وکندی مطالعه سنی ده علاوه ایده رك هیئت مجموعه سنی
معارف وکالته کونده ریر بواوراق معلمك سجل دوسیه سنه قونولور .

۱۱ - ستاژیه لرلرک مسلکی و علمی حاضرلق ایچین چالیشمالرینه مکتب مدیرلری
و علاقه دار معلملر اعظمی معاونت و سهولت کوسترمکه مکلفدرلر .

۷ - امتحانلر

۱۲ - اورتا تدریسات معلملری قانوننك ۶ نجی ماده-سی موجبجه ستازیهرلرك سنه نهایتنده کچیره جکلری امتحانلر شو طرزده اجرا ایدیله جکدر :

فلسفه : علی الاطلاق علومده اصول و بونك تکاملی ،

ویا منسوب اولدینی علمده اصول ،

ویا منسوب اولدینی علمك بردور معینده تاریخ تکاملی ،

ویا منسوب اولدینی علمك اك بویوك كاشف و واضعارینك تعقیب ایتدکلری اصول

و علمك تکاملنه تأثیری حقنده ستازیهر طرفندن بر مطالعه نامه تحریری ،

تربیه دره : ستازیهرك منسوب اولدینی برزمره درسیه نك اصول تدریسنه ،

ویا اودرسدن معین بر بحثه عائد تدریس و سائطنك الكایی بر طرزده صورت احضارینه ،

یا خود معین بر بحثك اك ایی تدریس شرائطنه دائر بر مطالعه نامه تحریری ،

تور کچهره : ستازیهرك فلسفه و تربیه امتحانلرنده ویره جکی مطالعه نامه لر ، کنديسنك

تور کچه ده کی اقتدارینی کوسترمکه زیاده سیله کافی اولاجفتدن آریجه تور کچه امتحانی یاپیلماسنه

حاجت یوقدر .

امتحان اوراقی مدیرك و علاقه دار معلملرك مطالعه لری ایله برلکده معارف و کالته

کوندریلیر .

۸ - ماذونیت

۱۳ - ستازیهرلره جمعه تعطیلندن باشقه هفته ده برکون ماذونیت ویریلیر .

۱۴ - هر ستازیهر هفته ده اك آز ایکی کیجه مدیرك تنسیب ایتدیکی کونلرده مکتبده

قالمغه مجبوردر .

۱۹۲۶/۸/۲۶

معارف وکالتی حفظ الصبحه دائره سی تعلیماتنامہ سی

۱ - معارف وکالتی حفظ الصبحه دائره سی : بر حفظ الصبحه دائره سی مدیری ولزومی قادر اطبادن و بر قلم ہیئتندن متشکلدر.

۲ - حفظ الصبحه دائره سنک وظیفه سی شونلردر :

آ - وکالت مقامندن تودیع اولونا جق صحی مسائلده رأی ومطالعہ بیان ایتک ؛

ب - مکتب و مؤسسائی حفظ الصبحه نقطه نظرندن تفتیش ایدهرک مشهودات ومطالعائی وتکلیفاتی وکالتہ عرض ایتک ؛

ج - منتظماً راپور و ایستاتستیق آلمق صورتیلہ مکتب ومؤسسہ لک احوال صحیہ لرینی تعقیب ایتک واصلاحات ایچون لزوم کوردیکی تدابیری وکالتہ عرض ایلہمک .

۳ - معارف وکالتی امرنده بولنان بالعموم مکتبلرده ایفای وظیفه ایدن مأمورین صحیہ نک تعیین ، تجزیه ، تحویل ، تبدیل وترفع وتلطیف لرنده حفظ الصبحه شعبه سنک رأی ومطالعہ سی آلینیر .

۴ - وکالتک دیگر دائره لری مقرر اتندن دولایسیلہ حفظ الصبحه یه تعلق ایدنلر حقنده حفظ الصبحه شعبه سنک رأی ومطالعہ سی آلینیر .

۵ - حفظ الصبحه دائره سی حفظ الصبحه یه تعلق ایدن نقاط حقنده مکتب ومعارف اداره لرینه آنجق تدریسات دائره لری واسطه سیلہ تبلیغاتده بولونور . یالکیز مکتبلرک صحی وضعیتلری حقنده تنور ایتک اوزره منحصر آ مکتب طبیب لرندن آنکک یاپار وکندی لرنندن معلومات طلب ایدہ بیلیر .

۶ - مکتب ومؤسسہ لک احوال صحیہ لرینه عاٹد ایستاتستیق و راپورلر حفظ الصبحه دائره سنه حواله اولونور . بو وثیقہ لر حفظ الصبحه دائره سنجه تدقیق اولونه رق ایجاب ایدن مطالعه لرله برابر عاٹد اولدیعی دائره یه کوندریلیر . ونتیجه سی آلدقندن صوکره حفظ الصبحه دائره سنده محافظه ایدی لیر .

۷ - یکیدن یاپیلمسی ایجاب ایدن مکتبلرله مهم تعمیراته عاٹد پلانلر و پروژه لر یاپیلمادن اول معماری دائره سی ، حفظ الصبحه شعبه سنک رأی ومطالعہ سی آلیر .

۸ — بودجه ده مکتبک اشه، انشاآت و تعمیرات فصلی مذاکره ایدیلرکن حفظ الصحه شعبه سی مدیری ده بولونارق بو مسئله لره متعلق رأی ومطالعہ سی هیئتہ عرض ایدر .

۹ — بر مکتبک دیگر بر محله نقلی تأمل ایدلدیکی زمان بنا حقنده حفظ الصحه دائره سنک دخی رأی ومطالعہ سی آلیئر .

۱۰ — مکتب اشیا ولوازم درسیه سنک اعظمی صحی شرائطی حائر اولماسنی تأمین ایچون حفظ الصحه دائره سی مکتب موزمسیله مشترکاً ایجاب ایدن رهبر ورساله لر ترتیب ونشر ایدر .

۱۱ — طلبه نك تغدی ونشوو نما ی بدنیه لرینی ومکتب حیاتنك استلزام ایتدیکی صحی نقاطی بیلدیره رك رهبر، رساله ولوحه لری تعلیم وتربیه دائره سیله مشترکاً ترتیب ونشر ایدر .
۱۲ — اعاشه یه تعلق ایدن مسئله لرده حفظ الصحه دائره سنک رأی ومطالعہ سی آلیئر . ومکتبک اشه جدولاری وظلبه تعییناتی علاقه دار مدیرلرک انضمام رأییله حفظ الصحه دائره سنجه تعیین وتثبیت اولونور .

۱۳ — حفظ الصحه مدیری هر سنه درسیه نهایتنده مکتب ومؤسسه لرك احوال صحیه لری حقنده بر سنه لك راپور تنظیم ایدره رك وكالته عرض ایدر . ولزوم کوردیکی تکلیفلرینی ده بوراپوره درج ایدر .

۱۹۲۶/۸/۲۸



تعیینات

اسمی	مأموریت سابقہ سی	تعیین ابدلہ کی وظیفہ	معاشی
محمد علی	بک صامسون شہریاتی مکتبی مدیری	خوپہ کوی یاتی مکتبی معلم ومدیر لکنہ	۲۵۰۰
درفتر مصطفیٰ انور	آنقرہ صیتمہ مجادلہ سی اطباسندن	قیصری زنجی درہ شہریاتی مکتبی دو قورلغنه	۸۰۰۰ مقطوعاً
حمیدی	ملغا صامسون اوکسوزیوردی معلمارندن	قیصری شہریاتی مکتبی معلم لکنہ	۱۱۰۰
ناظم	ازمیر شہریاتی مکتبی معلمارندن	غازی عینتاب شہریاتی مکتبی مدیر لکنہ	۳۰۰۰
سیدہ ناظم ضامن	ازمیر شہریاتی مکتبی معلمارندن	غازی عینتاب شہریاتی مکتبی معلم لکنہ	۲۰۰۰
آصف	بک وونا کوی یاتی مکتبی معلمی	ایزمیت قندره کوی یاتی مکتبی معلم لکنہ	۱۵۰۰
فرہمی	سینوب ملغا اداره خصوصیه کوی یاتی مکتبی انبار مأمور۔ لغندن آچقده	سینوب معارف کوی یاتی مکتبی انبار و دبوی مأمور لغنه مجدداً	۱۰۰۰
حسن بصری	شرق جہہ سی استخبارات مأموری	قارص کوی یاتی مکتبی انبار و دبوی مأمور لغنه مجدداً	۱۰۰۰
خلیل	سجل و مأمورین دائرہ سی اوراق مقیدی	قلم مخصوص اوراق مقید لکنہ نقل	۱۵۰۰
یگانہ ضامن	زراعت بانقہ سی داغیلوغراف مأموری	سجل و مأمورین دائرہ سی اوراق مقید لکنہ	۱۵۰۰

اسم	مأموریت سابقہ سی	تعیین ابدلہ کی وظیفہ	معاشی
نجم الدین	بک	سجل و مأمورین دائرہ سی سجل مأموری	۲۰۰۰
سلیمانہ	»	قلم مخصوص ایکنجی صنف میزی	۳۰۰۰
محمد خواجہ	»	ہیئت تفتیشیہ دائرہ سی دوسیہ مأموری	۲۵۰۰
نجم الدین	»	حرث دائرہ سی دوسیہ مأموری	۲۵۰۰
سالم	»	حرث دائرہ سی برنجی صنف کابی	۲۰۰۰
زہرا خانم	یوقدر	حرث دائرہ سی برنجی صنف کابلکنہ	۱۵۰۰
علی رضا بک	ملغاو کسوزیور داری اوراق مقیدی	حرث دائرہ سی برنجی صنف کابلکنہ	۱۵۰۰



معارف رڤالتي
قلم مخصوص مديرتي

عمومي ۵۰۳
خصوصي ۱۹۸

۱۹۲۶/۸/۱۷

مدير لکنه

استانبولده ملي مطبعه ناميله خصوصي بر مطبعه موجود اولدي حسييله اخيرا ملي مطبعه
توسيم ايديلن مطبعه عامريه كوندريلن محرراتك اكثريته مذكور خصوصي مطبعه
كوندرلديكي آ كلاشيلمش وبو محذورك رفي ايجون محرراتك استانبولده آياصوفيهده ملي
مطبعه [مطبعه عامريه] مديريته شكلنده تحريري موافق كورولمش اولديغندن اوصورتله
حركت اولونمسي تمني اولونور افندم .

معارف وكيلى
مصطفى بجاني

..

معارف رڤالتي
ايك تدرسات مدير عموميلكي

عمومي ۵۵۶
خصوصي ۶۴۸۱

۹ آغستوس ۱۹۲۶

معارف مدير لکنه
مامورلغه

استانبول سلچوق خاتون قيز صنايع مكتبي ماذونلرينك درجه تحصيل اعتباريله
اورتا مكتب ماذونلري حقوقنى حائز اولديغى تعمياً تبليغ اولنور افندم .

معارف وكيلى نامنه مستشار

نافع عطفوف

..

معارف وکالتی

ایلك تدریسات مدیر عمومیلگی

صموی ۵۷۹

خصوصی ۶۵۴۹

۱۲ آغستوس ۱۹۲۶

معارف مدیرلکته
مأمورلکته

معلم مکتبی مآذونی اولوبده خدمت مکلفه سنی ایفا ایتمه مش اولانلرک تعقیبیه قانوناً ویرمکه مکلف اولدقلری تضمیناتک تحصیل اموال قانوننه توفیقاً تحصیل ایچون تشبثانده بولونیلماسی معارف تشکیلاتنه دائر اولان قانونک تبلیغی اثناسنده تعمیماً اشعار اولونمشدی. منطقه کز داخلنده سکر سنه معلمک ایتمه رک رسمی ویا غیر رسمی باشقه مسلکه کیرمش نه قدر معلم مکتبی مآذونی بولوندیغنک وبونلر حقنده قانونی تعقیباتک یاپیلوب یاپیلما دیغنک اشعاری مقتضیدر. هراون بش کونده بر بوفعالیت راپورلرله وکالته بیلدیریله جکدر. کیفیت تعمیماً تبلیغ اولونور افندم.

معارف وکیلی

مصطفی نجانی

صورت

ولایات اداره خصوصیه و بلدیهرلرجه اجرت شهریه ایله مستخدم اولانلردن آلنه حق توقیفات حقنده بعض ولایتلرجه ترددلره دوشولدیکی واقع اشعارلردن آکلاشلمشدر. بوخصوصده مالیه وکالت حلیله سیله بالخابره تقرر ایدن نقطه لر آشاغیده کوسترلمشدر :

۱ — اجرت شهریه ایله مستخدم اولانلرک قازانچ ویرکولری توقیفاتی - قازانچ قانوننه توفیقاً هراوی اجرت شهریه لری اوزرندن قطع ایدیلیر .

۲ — تقاعديه توقیفاتی — دائمی اولسون ، موقت اولسون آیلایق اجرت مقطوعه ایله مستخدم اولان دو قنور ، اجزاجی ، مهندس و امثالی متخصص مأمورلر ایکی قسمدر : آ : اولجه معاشلی مأموریتده مستخدم و حقوق تقاعديه ایله علاقه دار بولونمامش اولانلر ؛ ب : اولجه مأموریتده استخدام اولونوب معزولیت ویا تقاعد معاشته استحقاق کسب ایدنلر .

۳ — حقوق تقاعدیه ایله علاقہسی بولونمايانلرك تقاعدیهلری — آ . فقره سنده محرر اولدینی اوزره اولجه معاشلی مأموریتده استخدام ایدلمه مش و بناء علیه حقوق تقاعدیه ایله علاقہسی بولونما مش اولانلرك اجرتلرندن نه یوزده بش ، نه ده یوزده اون ایکی توقیفات اجرا ایدبله من .

۴ — حقوق تقاعدیه ایله علاقہسی بولونانلرك تقاعدیهلری — ب . فقره سنده یازلدینی وجهله اولجه معاشلی مأموریتده ایفای خدمت ایتمش اولوب مغرولیت ویا تقاعدیه معاشنه استحقاق کسب ایدنلرك — بالا خره تقاعد ویا مغرولیت معاشی آلاجلرینه نظراً — اجرت شهریهلرندن یوزده بش قطعی ایجاب ایدر .

۵ — آکا کوره معامله ایفاسنك بوتون بلدییه ادارهلرینه و محاسبه خصوصیه مدیر و مأمورلرینه اشعاری تعمیماً تبلیغ اولونور .

۶ — بوتون ولایتلره ، آنقره و استانبول شهرامانلرینه ، برای معلومات مالیه ، نافع ، معارف صحیه وکالت جلیلهلرینه یازلمشدر .

۱۷ تموز ۱۹۲۶

داخلیه وکیلی نامنه مستشار

مخبر

معارف ریاستی

ایلك تدریسات مدیر عمومیلکی

عمومی ۵۸۵

خصوصی ۶۶۳۷

۱۵ / اغستوس / ۱۹۲۶

معارف مدیرلکنه
مأمورلکنه

ولایات اداره خصوصیه و بلدیهلرنجه اجرت شهریه ایله مستخدم اولانلردن آلنه حق توقیفات حقنده داخلیه وکالت جلیلهسی تعمیمنك صورتی یوقاری چیقاریلمشدر . مقتضاسنه کوره ایفای معامله اولونماسی لازمدرافندم .

معارف وکیلی نامنه مستشار

نافع عطرف

معارف وراثتی

اورتا تدریسات مدیر عمومیلکی

برنجی شعبه

خصوصی ۶۱۳۸

۱۹۲۶/۸/۱۵

مدیر لکنه

۱۹۲۶-۱۹۲۷ درس سنه سی ظرفنده لیلی لیسہ و اورتا مکتبلرده استیفا اولنه جق
اجرت تدریسیہ مقدارینی کوستہ ریر لیستہ مربوطاً کوندہ ریشدر افندم .

معارف و کیلی نامنه مستشار

نافع عطف

۱۹۲۶ - ۱۹۲۷ درس سنه سی ظرفنده لیلی لیسہ و اورتا مکتبلرده

استیفا اولنه جق اجرت

لیرا

۲۵۰

آنقرہ ارکک لیسہ سی

۲۵۰

آطنہ

۵۰

ادرنه

۱۵۰

ارضروم

۳۰۰

استانبول

۳۰۰

قاپاتاش

۳۰۰

ارن کوی قیز لیسہ سی

۴۰۰

غلطہ سرای ارکک لیسہ سی

۳۰۰

قاندیللی قیز اورتا مکتبی

۳۰۰

چاملیجه

۲۵۰

ازمیر ارکک لیسہ سی

۲۵۰

ازمیر قیز

۲۰۰

بروسہ ارکک لیسہ سی

۱۵۰

دیاربکر

لیرا

۱۵۰

سیواس ارکک لیسوسی

۲۰۰

طربزون

۱۵۰

قسطنونی

۲۰۰

قونیہ

۲۰۰

قیصری

۲۰۰

مغنیسا اورتا مکتبی

۲۰۰

آیدین صنایع اعدادیسی

..

معارف و طالتی

۱۹۲۶/۸/۲۲

اورتا تدریسات مدیر عمومیلکی

ایکینچی شعبه

عمومی ۵۹۳

خصوصی ۶۳۰۰

مدیر لکنه

بروسه ارکک معلم مکتبک ۱۹۲۶/۷/۱۵ قیصری ارکک و دیاربکر قیز معلم مکتبلرینک

۱۹۲۶/۹/۱ تاریخندن اعتباراً لغو ایدلدیکی برای معلومات تعمیماً تبلیغ اولونور افندم .

معارف و کیلی نامنه مستشار

نافع عطفوف

معارف و طالتی

۱۹۲۶/۸/۲۲

اورتا تدریسات مدیر عمومیلکی

ایکینچی شعبه

عمومی ۵۹۴

خصوصی ۶۳۰۱

مدیر لکنه

معلم مکتبلری طلبه سندن ایکن اسباب صحیه ک غیری هر هانکی بر سبیله ترک تحصیل

ایدوبده مسلك تعلیمه انتساب ایله یئلردن - مدت قانونیه سنی اکمال ایدنجیه قادار معلم ویا

معاون صفتیاه مسلکده قالدقچه - تضمینات آلیناماسی مدیرلر انجمننك ۹۲۶/۸/۹ تاریخ و ۳۷۲/۵۸۷۱ نومرولو قراريله تزییب ایدیلمشدر . کیفیت تعمیماً تبلیغ اولونور افندم .

معارف وکیلی نامنه مستشار

نافع عطارف

..

معارف وکالتی

ایلك تدریسات مدیر عمومیلکی

عمومی ۶۰۱

خصوصی ۶۸۳۰

۲۲ آغستوس ۱۹۲۶

مدیرلکنه
مأمورلغنه

معارف

معلم تحسین دمیر آی بك طرفندن نشر ایدیلمکده اولان رسمی مجموعه ، محتویاتی اعتباريله طلبه مز ایچون شایان استفاده کورولدیکنندن آبونه قید ایدیلك اوزره مکتب ادارهلرینه بیلدیریلنسی تعمیماً تبلیغ اولونور افندم . معارف وکیلی نامنه مستشار

نافع عطارف

..

معارف وکالتی

اورتا تدریسات مدیر عمومیلکی

ایکنجی شعبه

خصوصی ۶۱۳۷

۱۹۲۶/۸/۲۲

معلم مکتبی مدیرلکنه

معارف تشکیلاتنه دائر قانونك ایضاحنامهسی بوندن صولرا معلم مکتبلرینه داخل اولوق ایستهینلردن تعهد نامه آلیناماسنی بیلدیرمکده ایسهده سکزنجی مادهده « ایلك ، اورتا و یوکسك معلم مکتبلری مآذونلری وکالتك کوسترهچکی یرلرده سکزن سنه خدمت

ایتمکه مجبوردرلر . بو مدت ظرفنده کندی ، ایسته کیله مسلکدن آیریلانلرک تحصیلده بولونقلری مدته عائد مکتب مصرفلرندن حصه لرینه دوشن مقداری $\% ۵۰$ فضله سیله و اصلنک فائضیه برلکده کندیلرندن ویا کفیللرندن تحصیل اموال قانوننه توفیقاً تحصیل ایدیلیر . دینلدیکی ایچین معلم مکتبلری طلبه سندن یالکیز کفالتنامه آلیماسی ضروری کورولمکده در . بناءً علیه بوندن صوکر ا مکتبه کیرمک ایسته یلردن کاتب عدللکارجه مصدق برر کفالتنامه و شهر یاتی مکتبلرندن کله جک کسه سز چوجوقلردن ده بر سابق بر تعهدنامه آلیناق دوسیه لرنده حفظی مقتضیدر اقدام . معارف وکیلی نامنه مستشار

نافع عطف

معارف وکالتی

ایلك تدریسات مدیر عمومیلکی

عمومی ۶۰۹

خصوصی ۶۹۲۸

۲۴/آغستوس/۱۹۲۶

والدکنه

بوسنه آنقرده کشار ایدیلن ایش پرنسپلرینه مستند تدریسات قورصنه ، شخصاً وکالتک مساعده سنی استحصال ایله کلوب دوام واستفاده ایدن معلملر واردر . بونلرک اشبو دواملرنده شخصی استفاده لرندن داهاز یاده بولونقلری ولایت مکتب و معلملرینک مستفید اولاجنی شبه سزدر : وبویله اولماسی لازمدر . آنجاق وکالتک بو مداوملر ایچنده یالکیز موازنه عمومیه دن معاش آلانلرینه خراجراهرینی اعطا ایله مش ، وبوکی شخصاً دوام ایدنلرک ایسه آنجاق اعاشه واباته لرینی تامینه امکان بولایلمشدر . بو مداوملرک کورکو والده ایتدکلری تجربه وفکرلردن بوتون مکتبلرک استفاده ایتمه سی و ایش مکتبلری پرنسپلرینک بوتون مملکته تشمیل ایدیلمه سی وکالتجه مطلوبدر . حالبوکه شخصی فدا کارلقه

دوام ایدن بو معلملره بو خصوصك تكليف ايديله بيلمه سي ، هيچ اولماز سه مصر فلرينك
تأديه سي ايله ممكن اولابيلير . بناءً عليه ولايتكزدن بوشكلده كلش ودوام ايتمش معلملريكلزه
عزيمت و عودت خراج اهلرينك محلي معارف خراج راه فصلندن تسويه سي خصوصك
تأميني رجا اولنور افندم .

معارف وكيلى

مصطفى نجالي

معارف رفاقي

ايك تدريسات مدير عموميلكي

عمومي ۶۱۰

خصوصي ۶۹۲۹

۲۴/اگستوس/۱۹۲۶

معارف مدير لکینه
مامور افنه

مفردات پروگراملرنده ال ايشلري درسي ايجون رسماً اك مترقي مملكتلرك مکتبلرنده كي
قادر درس ساعتی آيريلماسنه رغماً اکثر مکتب بنالرمز كوچوك بر آتاليه تأسيسنه
بيله مساعد دكلدر . ويكي ياپيلان بنالرده مع الاسف بواحتياج نظر دفته آلتامقده در .
بناءً عليه بعدما ياپيلاجق مکتبلرده بو نقطه يه اهميت لازمه بيريله لي و معارف مديرلري ،
پروگراملرينه بوني ده علاوه ايتمه ليدر . مع مافيه بو طرزده بنا ياپيلنجيه قادر ، بسيط
بر تشکيلات ايله بوكونكي بنالرده بو تربيو وچوق اهميتلي درسي فائده لي بر شكه
صوقق ممكندر :


۱ - ايک مکتبلرك ۱-۳ نجی صنفلرنده ال ايشلرينك موضوعلري ديكر درسله
چوق علاقه دار اولديني ايجون ، خصوصي آتاليه تأسيسنه شمديک لزوم يوقدر ؛ درسخانه
لرده ياپديريله بيلير . يالکز درسخانه لر تأسيساتنه ، اك لزوملي آلتلرله اشيا علاوه ايتمک
کافيدر .

۲ - يوقاري صنفلرده مطلقاً بر آتاليه به ، حتي مختلف ايشلر ايجون آيري آيري
آتاليه لره احتياج واردر . فقط مکمل بر آتاليه تأسيسي چوق مصرفي برايش اولديغندن

هر مکتبده درمه چانه آلات و ثم التدارك لوازم ايله آتەلەر باقمغه قالقيشماليدر . بونك
يرينه ، مثلاً بر قصبهده ، متعدد مکتبەر ايچنده وضعيتي نظر اعتباره آلنهرق بناسي الك
مساعدا بر يسنده ، بوتون لوازمي تام اولمق شرطيله ، بر آتەليه تأسيس و بوتون اوقصبه
مکتبەرينك مشتركاً استفادهسنة تخصيص قيلناسي ، بونكون ايچون فائدهلي بر اثر اولاجقدر .
بو بابه وکالت طرفندن (مکتب آتەلەری رهبری) طبع ايتديريلش و اداره کزده بر
دانهسي کونده ريلشدر .

مجلس عموميلر طرفندن لوازم درسيه و تأسيسيه ايچون ويريلش اولان تخصیصاتدن
بو خصوص ايچون کافی بر مقدار آبرارق در حال ورهبرده کوستريلن شکلده و يوقاریده
يازیلديغی وجهله شمديلك هر قضاذه بر دانه اولمق اوزره مکمل و لوازمي تام بر آتەليه
تأسيس ايديلهسي و فعالیتکزه دال اولمق اوزره نتیجهنكده اشعاري اهميته تليغ
اولنور افندم .

نافع عطف



قرار نومردسی : ۳۷۴

۱۹۲۶/۸/۲۶

حفظالصحه دائره سنك وظائفي حاوی ۱۳ ماده لك تعلیماتنامہ سی ایله ملفوف ۷۳

نومرولو ، ۲۶/۸/۴ تاریخلی مذکره اوقوندی :

مذکور تعلیماتنامہ نك بشنچی ماده سنك شوشكلده تعدیلیله [حفظالصحه یه تعلق ایدن نقاط حقنده مکتب و معارف اداره لرینه آنجق تدریسات دائره لری واسطه سیله تبلیغاتده بولونور . یالکیز مکتبلرک صحی وضعیتلری حقنده تنور ایتمک اوزره منحصر آ مکتب طیبیلرندن آنکک یاپار و کندیلرندن معلومات طلب ایدیبیلر] ، ۹ نجی ماده سنك [بر مکتبک دیگر بر محله نقلی تأمل ایدلدیکی زمان بناحقنده حفظالصحه دائره سنك دخی رأی و مطالعه سی آلینیر] شکلنه افراغی و [۱۰] نجی ماده یه [... تأمین ایچین حفظالصحه دائره سی مکتب موزه سیله مشترکاً ...] جمله سنك علاوه سی واون برنجی ماده نك [... طلبه نك تغدی و نشوونمای بدنیه لرینی و مکتب حیاتنك استلزام ایتدیکی صحی نقاطی بیلدیرمن رهبر و رساله لر ولوحه لری تلمیم و تربیه دائره سیله مشترکاً ترتیب و نشر ایدر .] شکلنده قبولی تذکر اولوناراق : بوشكلده تعلیماتنامہ احضاری قرار گیر اولدی .

قرار نومردسی : ۳۷۳

۱۹۲۶/۸/۹

معلم مکتبلری طلبه سندن ایکن اسباب صحیه نك غیری بر سیبله ترك تحصیل ایدوبده هر نصله حقارنده نظامنامہ نك ۳۵ نجی ماده سی احکامی تطبیق ایدیللمش بولونانلردن مذکور مکتبلرده تحصیل کوردکلرینه دائر وثیقه ایسته ینلرک تضمینات ویرمدکجه آرزولری ترویج ایدیللمکده ایسه ده بوکیلرک بعضیلری مسلك تعلیمه انتساب ایتدکلرینی ایلری سورهرک مارالعرض ماده نك کندیلرینه تطبیق ایدیللمسنى استعدا ایتمکده اولدقلرندن حقارنده برقرار اتخاذینه دائر اورتا تدریسات دائره سنك ۵۸۷۱ نومرولو ، ۱۹۲۶/۸/۸ تاریخلی مذکره سی اوقوندی :

بوصورتله مسلك تعلیمه انتساب ایدنلرک معلمک مدت قانونیه سنی اکال ایدنجه یه قادار تضمینات ویرمه لرینه لزوم اولنادیغی تذکر اولوندی .

قرار نومروسی : ۳۹۸

۱۹۲۶/۸/۲۶

معلم مکتبلیرینک اوجونجی ، دردنجی صنفلرندن سلاح آلتنه آلنان وترخیصدن سوکرا مسلکه انتساب ومعلم معاوونی صفتیه حالاً استخدام ایدلمکده اولانلرک، معلم ومعلم معاوونلری حقنده کی ۲۰/مایس/۱۹۲۶ تاریخلی و ۸۴۲ نومرولو قانوننک برنجی ماده سندن استفاده ایدوب ایتیه جککری حقنده ایلك تدریسات دائرہ سنک ۶۸۳ نومرولو و ۱۵/۸/۱۹۲۶ تاریخلی مذ کرمسی اوقوندی :

مذ کور قانونده تصریح ایدلدیکنه نظراً « بوقانونک نشری تاریخده معلم معاوونی صفتی احراز ایدنلر آره سنده اُک آز بش سنه لک اعدادی به معادل تالی ویاعالی درجه ده بر مکتب تحصیل کورہ نلر معلم عداولونورلر » دینلمکده ومسئله بوشکلده حل ایدلمش بولندیغندن اوراقلک ایلك تدریساته تودیی قرار کیر اولدی .

قرار نومروسی : ۳۹۳

۱۹۲۶/۸/۹

مقدما سلک تعلیمده بولوندوغندن بحثله ستازدن عفوینی استرحام ایدن یوکسه ک معلم مکتبی کیمیا شعبه سی مآذونلریدن کال افندی حقنده برقرار اتخاذه دایر یوکسه ک تدریسات دائرہ سنک ۶۶۴ نومرولو ، بلاتاریخلی مذ کرمسی اوقوندی :

یوکسه ک معلم مکتبنک مدت تحصیلیه سی درت سنه دن عبارت اولدوغنه و بونک اوج سنه سی نظری درس لر و برسنه سی ده عملی اولان ستازہ تخصیص ایدلدیکنه کورہ اولجه برقاج سنه بالفعل معلمک ایدوب ده بالآخره یوکسه ک معلم مکتبنه کیرمک تحصیلنی بیتیرهن افندیلر ستاز کورمش دیمک اولاجغندن مومی الیه اسماعیل کال افندی ایله امثالنک تکرار ستاز کورمه لرینه لزوم اولمادیغی بولنده کی یوکسه ک تدریسات مدیریتنک مطالعه سی موافق کورولهرک مومی الیه کال افندینک ستاز کورمه سنه لزوم اولمادیغی قرار کیر اوولمشدر .

قرار نومروسی : ۹۳۳

۱۹۲۶/۸/۲۶

ایلك تدریسات مدیر عمومیلکینک، معلم مکتبی مآذونی اولوب، بر محله تعیین ایدلمه دن ویاخود قادر و موجب نه آچیقده قاله رق یکی بر وظیفه یه تعیین اولونمادن تحت سلاحه آلنان

معلملرک عسکرلکده کچن مدت خدمتلرینک قدملرینه ضم ایدلمهسی مدیرلر انجمننک ۹ تموز ۱۳۴۱ تاریخلی و ۱۷/۷ نومرولو قراری اقتضاسندن ایسهده ، بو قراره استناداً سفربرلک و مجادله ملیهده بش ، آلتی سنه عسکرلک ایتمش اولان معلملرک ، مسلکه عودت ایتمهملری دولایسیله ، اشبو قرارک خدمت مجبوریه شمولی اولوب اولمدینی حقنده ۶۷۶ نومرولو ۲۶/۸/۹ تاریخلی مذکرهسی اوقوندی .

معارف تشکیلاتنه دائر قانونک سکزنجی مادهسنده ایلک ، اورتا و یوکسک معلم مکتبلرندن مأذون اولانلرک سکزنسنه مدته خدمته مجبور اولدقلری تصریح ایدلدیکنندن ، مسئلهنک بو قراره نظرأ حل ایدلمش بولونمسی دولایسیله دائره عائدهسنه عادهسی قرار کیر اولدی .

۱۹۲۶/۸/۲

قرار نومروسی : ۳۵۸

مکتبلرده لیلی اجرتلی اولهرق دوام ایدن مأمورین اولادینک تدریس اجرتلرندن شیمدییه قدار ۲۰٪ تنزیلات یاپلقده و مأمورین قانونک سکسان سکزنجی مادهسندکی مأمورین چوققلرینک مکتبلرده نصف اجرتله آلتیسنه ، ذکر ایدلمکده ایسهده موازنه عمومیه قانونک ۱۸ نجی مادهسی مأمورین قانونک مالی موادینی ۱۹۲۷ مالی سنهسی ابتداسنه قدار تاجیل اتمکده و بوکا کوره اجرت مسئلهسنکده تأجیلی لازم کلمکده اولدیغندن مدیرلر انجمننده برقرار اتخاذه دائر اورتا تدریسات دائرهسنک ۵۰۰۴ نومرولو ۲۶/۷/۶ تاریخلی مذکرهسی اوقوندی .

موازنه عمومیه قانونک ۱۸ نجی مادهسندکی مأمورین قانونک مالی مواد کیله جک سنهیه تأخیر اولندینی مندرج بولوندیغندن کچن سنه کی اصولک دوامی قرار کیر اولدی .

۱۹۲۶/۸/۲۶

قرار نومروسی : ۴۰۶

ایلک تدریسات مدیر عمومیلکنک ، بالقان حربی متعاقب یونان ادارهسنه کچن مملکتلریمزده کی جماعت اسلامیه مکتبلرنده خدمت ایدن معلملرک قدملری حقنده تکیرداغی معارف مأمورلغندن کلن تحریراتک تدقیقه بوخصوصده لازم کان قرارک اتخاذه دائر ۲۶/۶/۲ تاریخلی ۵۲۱۲ نومرولو مذکرهسی اوقوندی :

حکومتک موافقیله تعیین ایدلمش اولانلرک ، خدمتلرینک قدملرینه ضمی موافق اولمقله برابر ، غیرسنکده بو حقدن استفادهملری دوغرو اولامایه جنی قرار کیر اولدی .

(۱۹۲۶ - ۱۳۹۷) درس سنده مکتب کرده

اوقونوماسی قبول ایدیان کتابلر

تورکيه جمهوريتى

معارف و مائى

ملى تعليم و تربيه دائرهسى

آنقره

۹ - تشرين اول - ۱۹۲۶

معارف

۱۹۰۲

بو درس سنهسى ايچين مکتبلره توصيه يه شايدان کورولن خريطه لر شونلردر :

۱ - تقيض کتبخانهسى نثرياتندن عبدالقادر بکک خريطه لرى : (آوروپا، آسيا، آفريقا، جنوبى آمريقا، شمالى آمريقا، اوقيانوسيا) .

علمى صحت وقارتوغرافيك قيمت اعتباريله كافى اولمادقلرندن مکتبلر ايچون بونلردن يکيدن مبايعه ياپيلماياجقدر. اولجه صاتون آلنش بولونان موجودلرينک ضرورت بولوندينى تقدیرده استعمالى جائزدر .

۲ - عبدالقادر بکک (تورکيه جمهوريتى خريطهسى)

ايلک مکتبلر ايچين بو سنه يه مخصوص اولمق اوزره قبول ايدلمشدر .

۳ - قناعت کتبخانهسى نثرياتندن مير آلاى محمد نشأت بکک (تورکيه جمهوريتى) خريطهسى [.....] ايلک مکتبلر ايچين قبول ايدلمشدر .

۴ - قناعت کتبخانهسى نثرياتندن مير آلاى محمد نشأت بکک (تورکيه جمهوريتى) خريطهسى [مقياسى] اورتا مکتبلره، معلم مکتبلرى ايچين قبول ايدلمشدر .

۵ - ايلک واورتا مکتبلره مخصوص معدن خريطهسى [روسه ارکک ليسهسى جوغرافيا معلمى اديب بک] .

ايلک واورتا مکتبلر ايچين قبول ايدلمشدر .

۶ - آنادولو علم ارض خريطهسى [دارالفنون معلملرندن مالک بک] .

اورتا مکتبلره معلم مکتبلرى ايچين قبول ايدلمشدر .

۷ - حلمى کتبخانهسى نثرياتندن يکى ديوار خريطه لرى .

آوروپا قطعهسى مستثنا اولمق اوزره ديگرلرى ايلک مکتبلر ايچين قبول ايدلمشدر .

تعميماً تبليغ كيفيت و اشبو ليسته صورتلرينک علاقه دارلره تبليغيله منطقه کزده کى معارف اداره لريله مکتبلره واصل اولدينى تاريخلرى کوسترر بر ليستهنک مى تعليم و تربيه هيئتى رياسته ارسالى رجا اولونور افندم .

معارف وکيلي

تورکيه جمهوريتى

معارف وىالىتى

ملى تعليم و تربيه دائىرسى

آنقره

۱۱ - تشرىن اول - ۱۹۲۶

معارف

۱۹۳۵

۱ — بودرس سنهسى اورتا مکتبلرله ، لیسهلرده و معلم مکتبلرلنده اوقودوملایى مى
تعلیم و تربیه دائىرسنده تشکيل ایدیلن متخصص قومیسىونلرجه بالتدقیق مناسب کورولن
فرانسىزجه کتابلرک اسملرى آشاغىیه درج اولونمشدر .

۲ — معلملر صنفلرینک و طلبه سنک سویه سنه کوره مناسب کوردکلرى کتابلرى
بولسته دن انتخاب ایده جکلردر .

۳ — کتابلرک اسملرى شونلردر :

- | | |
|--|--|
| 1 Syllabaire | Fethi Ismaïl |
| 2 Syllabaire | M.Fresco |
| 3 Nouveau Syllabaire | M.Nahid |
| 4 Syllabaire | Max Bonnafous, Fethi Ismaïl, L.Rolland |
| 5 Premier Livre de Lecture | Fethi Ismaïl |
| 6 Deuxième Livre de Lecture | " " |
| 7 Morceaux choisis
de Lecture | N.Sadik |
| 8 Nouvelle Méthode
de Lecture | A.Mazhar |
| 9 Leçons Illustrées de Français
Cours spécial | Breuil |
| 10 Lecture primaire
(Cours préparatoire,
1 ^{er} degré du cours élémentaire,)
(" " " " moyen) [*] | E.Toutey |

[*] بوکتاب ندارک ایديله مشه برینه

Le Français par Les Textes V.Bouillot

Cours Elementaire et Moyen

اوقودولا جقدر .

[۲۰۴۴ نومرو و ۱۹۲۶/۱۱/۶ تاریخلى تعمیم

11	Grammaire	Cours mayen	Clauds Auhé
12	Tabl.	Delmas	(18 pièces)

۴ — تعیماً کیفیت تبلیغ و بولیسته نك منطقه كزده کی معارف اداره لریله مکتبلره
واصل اولدینی تاریخلری کوستریر بر قطعه جدولك بالتنظیم ارسالی رجا اولونورافندم .
معارف و کیلی

